



## Various psychological factors causing religious fanaticism in women

Dilbar ABDULLAEVA <sup>1</sup>

International Islamic Academy

---

### ARTICLE INFO

**Article history:**

Received January 2021

Received in revised form

15 January 2021

Accepted 20 February 2021

Available online

7 March 2021

---

### ABSTRACT

The article summarizes the phenomenon of fanaticism, the various socio-psychological factors that cause it, as well as the classical manifestations of various schools of psychology, which expressed their views on gender differences in the occurrence of fanaticism in a person, and the theories of various modern researchers who conducted research on this phenomenon. The main emphasis is on the effects that cause the emergence of religious fanaticism in women and the various negative consequences that arise as a result of this. Also, the results of research conducted by both Western scientists on the concept of religiosity in a person and its defining indices in order to more broadly cover the phenomenon of religious fanaticism are mentioned.

2181-1415/© 2021 in Science LLC.

This is an open access article under the Attribution 4.0 International (CC BY 4.0) license (<https://creativecommons.org/licenses/by/4.0/deed.ru>)

## Аёлларда диний фанатизмни юзага келтирувчи турли психологияк омиллар

---

### АННОТАЦИЯ

Мақолада фанатизм феномени, уни келтириб чиқарувчи турли ижтимоий-психологияк омиллар ва шунингдек шахсда фанатизмни юзага келишининг гендер фарқлари юзасидан фикр билдирган турли психология мактабларининг классик намоёндалари ва шунингдек ушбу феномен устида тадқиқотлар олиб борган турли замонавий тадқиқотчиларнинг назариялари ўзаро таққосланланган ҳолда хуносалар келтирилган. Асосий эътибор аёлларда диний фанатизмни келиб чиқишига сабаб бўлувчи таъсиrlар ва булар натижасида юзага келувчи турли

---

**Калит сўзлар:**  
Диний фанатизм  
Диндорлик кўрсаткичи  
Деструктив култлар  
Диний гурухлар  
Экстремистик  
бирлашмалар ва  
террористик ташкилотлар  
Фанатизмга мойиллик  
Анимус ва анима  
Шаҳидлик

<sup>1</sup> PhD student of International Islamic Academy of Uzbekistan Tashkent, Uzbekistan  
E-mail: [Moonlight0904@mail.ru](mailto:Moonlight0904@mail.ru)

салбий оқибатларга қаратилган. Шунингдек диний фанатизм феноменини кенгроқ ёритиш мақсадида шахсда диндорлик тушунчаси ва уни белгиловчи индикаторлар тўғрисида хам ғарб олимларининг олиб борган тадқиқот натижалари келтириб ўтилган.

## Различные психологические факторы, вызывающие религиозный фанатизм у женщин

### АННОТАЦИЯ

**Ключевые слова:**

Религиозный фанатизм  
Показатель религиозности  
Деструктивные культуры  
Религиозные группы  
Экстремистские объединения и террористические организации  
Склонность к фанатизму  
Анимус и анима  
Мученичество.

В статье освещается феномен фанатизма и предоставляются выводы методом сопоставления теории между классическими представителями школ, высказывающие мнения о различных социально-психологических факторах являющиеся причиной его возникновения и гендерных различиях формирования фанатизма в личности и теориями современных представителей исследующие этот феномен. Основное внимание удалено на влияния, которые являются причиной возникновения религиозного фанатизма у женщин и на негативные последствия возникающих из-за них. Также в целях более широкого освещения феномена религиозного фанатизма приводятся результаты исследования западных ученых о понятии религиозности у человека и ее определяющих индикаторах.

Маълумки, дин жамият маънавий ҳаётининг муҳим бир элементи бўлиб қолмай, шахснинг жамиятда ривожланиши ва ҳаттоқи, ижтимоий ҳаётдаги сиёсий жараёнларнинг кечишига ҳам ўз таъсирини ўтказмай қолмайди. Инсониятнинг ривожланиш тарихи шуни кўрсатадики, диннинг жамият ҳаётига таъсири турли диний ҳодисалар орқалий намоён бўлади, диний фанатизм эса улар орасида алоҳида ўрин тутади. Диний фанатизм тушунчаси диний онгнинг тубдан ўзгариши хусусияти билан белгиланганлиги сабабли, бу ҳодиса радикал диний ҳодисалардан бири сифатида таснифланади.

Диний фанатизм тушунчасини радикал диний ҳодисалардан бири дея таснифланишининг асосий моҳияти шундаки, бу каби ёндошув эътиқод қилувчи шахсдан борлиқ кечинмаларини инсон имкониятлари чегарасида кечишига олиб келади шунингдек, шахсдаги қадриятлар тизимиға жиддий салбий таъсир кўрсатади.

Диний фанатизм феномени ҳақида сўз юритишдан аввал диндорлик терминига ва уни таснифловчи индикаторлар тўғрисида қисқача фикр юритамиз.

Шуниси аҳамиятлики, диндорлик даражасини ўлчаш имконияти чегараланган бўлиб, бунинг сабаби ҳодисанинг ўта индивидуаллига яъни тўғридан тўғри ўлчамларга эга эмаслиги хусусиятидадир. Шу сабабли хам феноменини таҳлил этишда адекват индикаторларни танлаш зарурияти туғилади. Шахсдаги диндорликни таҳлил этиш юзасидан пайдо бўлган замонавий назариялар диннинг ижтимоийлаштирувчи функциялари ғояларини ривожлантиради ва асосан ўз

назарияларида дин ва диндорликни ўрганишда кўп ўлчамли ёндашувнинг асосчиси, социологик фанлар ривожига катта ҳисса қўшган Чарльз Глок назариясига асосланадилар. Чарльз Глок Р. Старк билан ҳамкорликда диндорликнинг 5 та “кўрсаткичи”ни батафси баён қилди[1]:

- имон** (таълимотларни қабул қилиш);
- амалиёт** (маросимлар ва ибодатларни амалга ошириш);
- тажриба** (масалан, ибодат жараёнида Худо билан мулоқот);
- билим** (биринчи навбатда диний маданият ҳақида);
- натижа** (турмуш тарзи)

Шахсдаги диндорлик мезонларини аниқлаш учун бир қанча концепциялар мавжуд. Шахса диндорликни шаклланиши ҳар қандай ижтимоий -психологик ҳодиса каби кўплаб омиллар таъсирида юзага келиши мумкин. Буларга қуйидаги омилларни мисол қилиб келтириш мумкин: тарихий, ижтимоий, сиёсий, психологик, шунингдек ўзига хос хусусиятли таъсиrlар орқали. Диндорлик феноменининг моҳиятини акс эттирувчи кўплаб мезонлар мавжуд: диндорлик кўрсаткичи, диндорлик даражаси ёки унинг интенсивлиги ва диндорлик турлари. Диндорлик ёки диндор шахснинг диний идентификациясида даражасига қараб унда дини фанатизмнинг учқунлари юзага келиши мумкин.

Фанатизм юзасидан олиб борилган тадқиқотларнинг асосий қисмида асосан эркак кишининг хулқ-авторида намоён бўлувчи ҳолатлар кузатилади. Бунинг сабаби бу феноменни турли жабҳалардан таҳлил этиш мумкинлиги ва шунингдек аёллардаги фанатизмнинг воқеликда мужассамланиши фожиали ва ҳалокатли оқибатларни келтириб чиқариши ва фанатизм таъсирида содир этилган турли жиноятлар натижаси сабабли, аёлларнинг хулқ-авторида намоён бўлувчи фанатизм феномени алоҳида эътиборга лойиқdir. Турли психологик контекстларда фанатизм тушунчасига нисбатан турли хил тавсифлар келтириб ўтилган. Қуйида аёл жинсига мансуб кишиларда мавжуд бўлган бу феноменга нисбатан аниқроқ таъриф беришга уриниб кўрамиз. Маълумки аёлларнинг хулқидаги эмоционал фон ёрқин ифодаланган бўлиб бундан келиб чиқсан ҳолда аёллардаги фанатизм маълум бир объектга нисбатан муккасидан кетган ҳолда интилиш ва берилувчанлик сифатида намоён бўлиши мумкин. Бундай ҳолатда индивид ўзининг эмоционал ҳолатини назоратдан чиқариши кузатилади .

Шанин А.А ўзининг “Гендерные стереотипы религиозного фанатизма: особенности проявления” номли мақоласида фанатизм феноменининг аёлларда намоён бўлиш ҳолатини қуйидагича изоҳлаган:

“Диний фанатизм йўли аёлни ўз шахсиятини йўқ қилишга, оила қуриш имкониятини чекланишига, анъанавий қадриятларнинг йўқолишига, қариндош-уругчилик муносабатларига путур етишига ва шунингдек шахсий камолот ва таълимни эгаллашда тўсқинлик қиласи. Шу билан бирга оиланинг бузилишига олиб келади, бу ҳодиса аёлнинг идроки, эрки ва келажагидан маҳрум қиласи. Шу йўналишда давом этар экан, аёл деструктив култлар, диний гурухлар, экстремистик бирлашмалар ва террористик ташкилотлар тармоғида тушиб қолади. Бундай ҳаракатлар натижасида аёллар нафақат ўзларига, балки ушбу ташкилотлар раҳбарларининг кўрсатмаларига биноан атрофдагиларга хам заар етказадилар, кўпинча нафақат заар, балки уларнинг эркинликларидан, келажаги ва хатто ҳаётидан маҳрум қиласи.”

Аёлларда фанатизмга мойилликни келиб чиқишида шахс хусусиятларини ўрни ҳақида сўз юритар эканмиз шуни хам алоҳида эътироф этиб ўтиш зарурки, аёллардаги ўз-ўзини идентификация қилишнинг сустлиги ва шунингдек шахсий хаётининг бузилиши аёллар иллюзиялар, хаёллар, диний мифология дунёсига чўмишига сабаб бўлиши мумкин. Бу фикрнинг исботи сифатида Россия Федерацияси Адлия вазирлиги Свердловск вилояти бош бошқармаси ҳузуридаги диний экспертизаларни ўтказиш бўйича эксперт кенгаши аъзоси Иванова Е. В ўзининг “Она в присутствии любви и смерти” “У севги ва ўлим ҳузурида” номли асарида аёлларда юзага келувчи бундай фанатик ҳолатларниг келтириб чиқарувчи баъзи омиллар ҳақида сўз юритиб, унга қуйидагича таъриф берган:

“Бизнинг цивилизациямиз маскулин характерга эга. Ва бу маскулин характерли социал таъсир натижасида турли хил фаолият соҳаларидағи ҳар қандай аҳамиятсиз, кичик ютуқлар аёлларга хос дея таъкидланса, аёлларнинг катта ва ажойиб ютуқлари хурмат билан “эркакона” ютуқ дея эътироф этилади[2]. Шу сабабли, аёлларда фанатизмнинг юзага келишининг сабабларидан бири сифатида – “эркаклардан яхшироқ бўлиш”, “эркаклар каби қаҳрамонона ҳаракатлар қилиш” истаги деб таҳмин қилиш мумкин.

“Нигилизм ахлоқи” асарида С.Л.Франк фанатизмни муҳокама қилар экан, унинг жамият ҳаётида намоён бўладиган баъзи жиҳатларига тўхталиб, ушбу ҳодисага ўзига хос таъриф беради. Унинг фикрига кўра, фанатизмни “севимли фикрга бўлган эҳтиросли садоқат”[3] деб тушуниш керак, бу эса бир томондан, одамни ўз ҳаётини қурбон қилиши ва бу орқали улкан ютуқларга эришиши, бошқа томондан эса бутун ҳаёти моҳиятини нотўғри, бузиб таҳлил этишига олиб келади. Шунингдек, у ўз фикрига ҳамроҳлик қилмаганларга нисбатан кескин муносабатда бўлиш каби хусусиятларга эга деган таърифни беради.

С.Л.Франк томонидан фанатизм тушунчасига берилган таъриф бирмунча кенг қамровли ҳисобланади, сабаби унда нафақат фанатизм тушунчасининг эмоционал, мафкуравий ва салбий жиҳатларига, балки ижобий қирраларига ҳам кичик урғу бериб ўтилган. Яъни, маълум турдаги ғоя ёки фаолиятга нисбатан муккасидан кетиш шахсда мана шу фаолиятга нисбатан амалий кўнкимларнинг юксак ривожланишига туртки бўлади. Айнан “севимли фикрга бўлган эҳтиросли садоқат” қўйилган мақсадга эришиш учун кафолат бўлиб хизмат қиласди. Шу ўринда психологик нуқтаи назардан баъзи турдаги кучли эмоционал эҳтирос шахсда “турғун” сифат касб эта бошласа, шахсда бошқаларга нисбатан номувофиқ хулқатвор кўриниши намоён бўла бошлайди ва шунингдек, ўзгаларнинг ғояларини бузиб идрок этиш жараёни юз бериши мумкин.

Аёллардаги фанатизмга мойиллик ҳолатини таҳлил этар эканмиз шуни ҳисобга олишимиз зарурки ҳар бир аёл ўзида маълум миқдорда эркаклик ва аёллик хусусиятларига эга. К.Юнг ўзининг “Человек и его символы” асарида айнан манашу муаммо ҳақда юзасидан фикр юритган. “Ҳар бир инсонда анимус ва анима ўзаро алоқада ёки курашда бўлиб, улар орасида мувозанатни ўрнатиш бир мунча мураккаб вазифадир. Бу каби кураш ёки қарама-қаршиликни ҳар бир аёл хам бошдан кечиради. Агар унда анимус ҳукмронлик қиласа аёлларда хам эркаклик хусусиятлари ёрқин намоён бўлишини кузатиш мумкин, бунга мисол сифатида бундай аёллар ўз табиатларига кўра аёллик нафосатларидан кўра эркакларга хос жасурлик ва жасоратлилик хусусиятлари устунлик қиласди. Бу эса улардаги

жанговор рухни, янада аниқроқ айтганда жанговар аёл рухиятини шаклланишига замин бўлиб хизмат қилади”[4]. Бир қарашда, ушбу факт аёлларнинг диний фанатизм ёки унга эргашган холда юзага келувчи экстремизм ва терроризм жараёнларида иштирок этишга мойиллигини изоҳлашга ёрдам бериши мумкин. Аммо шуни унутмаслик зарурки, аёлларда ўз табиатига кўра ўта эмоцион мавжудотдир, фанатизм эса шахсдан ҳис-туйғуларини намоён этишни ва уларга берилишни талаб этади. Айнан шу сабабли ҳам фанатизмга берилиш аёлларда ёрқин ифодаланган бўлиши мумкин.

Аёлларнинг хулқ атворида диний фанатизмнинг шаклланишига сабаб бўлувчи яна бир омил эркаклардан фарқли ўлароқ- бу бузғунчи ташкилотлар томонидан диний мифологияларни шакллантириш жараёнида пайдо бўлувчи лидерга нисбатан эмоционал садоқат ҳиссицир.[5] , бундай холатда аёлларга нисбатан қўлланиувчи турли психологик инонтириш усуллари катта аҳамиятга эга бўлиб, унинг таъсир даражаси аёлнинг у ёки бу турдаги деструктив ташкилотларга аъзо бўлишларига ундаши мумкин. Лекин шу ўринда аёлларга таъсир этувчи баъзи ижтимоий-психологик омилларни ҳам назардан қочирмаслик зарур. Нима сабабдан барча аёллар ҳам бу каби таъсирларга бериувчан ёки мойил эмас? Балки аксинча айнан турли психологик оғиш холатлари ёки турли депрессив ҳолатларни бошдан кечираётган аёллар айнан шундай таъсирларга мойилдирлар. Бу каби таъсирларга кўп ҳолларда ёлғиз аёллар, ёки бекарор психика , ёки оиласвий можаролар ва ҳаттоки ажралиш босқичида бўлган оиласвий муносабатларда бўлган аёллар айнан мана шу каби таъсирларга бериувчан бўладилар. Юқорида келтирилган ҳолатлар ўзгарган онг ҳолати сифатида тавсифланиши мумкин. Онгнинг ўзгариши ҳолати юзасидан турли хил талқинлар мавжуд, булар қаторига қўйидаги сабабларни келтириш мумкин: депрессия, медитация, алкоголизм, уйқу, гипноз, гиёхвандлик билан заҳарланиш.

Юқорида санаб ўтилган барча ҳолатлар аёлларда фанатизм мойилликни келтириб чиқарувчи онгнинг бузилганлик ҳолатини акс эттириш учун мос аспект сифатида кўриб чиқиш мумкин эмас, балки фақатгина ажрашиш арафасида турган ёки жиддий конфликт ҳолатидаги оиласвий муносабатлар ва шунингдек кучли депрессия ҳолатинигина бунга мисол қилиб келтириш мумкин.

Аёлларда фанатизмга мойилликни келиб чиқишидаги турли омиллар ҳақида сўз юритар эканмиз тарих фанлари доктори, профессор Гарунова Н.Н томонидан ёзилган “Ёшлар орасидаги диний фанатизм ва Шимолий Кавказдаги худкуш террорчи аёлларнинг ижтимоий-психологик портрети” (Религиозный фанатизм в молодежной среде и социopsихологический портрет террористки-смертницк на Северном Кавказе) номли мақоласида келтирилган баъзи фикрлар юзасидан тўхталиб ўтишни жойиз деб билди. Бу мақолада Гарунова Н.Н “Россияда ва Шимолий Кавказда худкуш террорчилар иштирокидаги террористик ҳужумлар жамиятни эътиборини ўзини “қора бева аёллар” деб атаган гуруҳ вакилларининг олиб бораётган деструктив фаолиятларига қайта-қайта мурожаат қилишларига мажбур қилмоқда. Булар XXI асрнинг бошларида Россияда террористик ҳаракатларни уюштирган ўз жонига қасд қилган аёллардир. Шу ўринда савол пайдо бўлади. Одамларни радикал гуруҳга аъзо бўлишга ундовчи ва уларни “шаҳидлар камарини” тақишига мажбур қилувчи омил нима ва шунингдек ўз ихтиёрлари билан

ҳаёт билан хайрлашадиган аёллар кимлар?” дея долзарб масалани ёритиб беришка ҳаракат қилган.

Террористик ҳаракатларни режалаштиришда террорчилар биринчи навбатда унинг психологияк таъсирга таянадилар, бу ҳолатда агар худкуш шахс аёл жинсига мансуб бўлса, таъсир анча юқори бўлади. Бу эса сўнги пайтларда аёлларнинг худкуш террорчи ролида тобора кўп намоён бўлаётганларининг асосий сабабларидан биридир. Бундан ташқари, дунёнинг қўплаб мамлакатларида хавфсизлик чоралари қучайтирилган шароитда теракт уюштириш учун одам кўп бўлган жойларга кириб бориш аёллар учун нисбатан осонроқ. Ўз жонига қасд қилувчи аёллардан фойдаланиш бутун аҳолида қўрқув, стресс ва салбий таъсирларни келтириб чиқаради ва одатда аёл террорчи шаҳидлик ниқобида бўлса жуда кенг эътирофга сабаб бўлади. Ўз жонига қасд қилувчи шахслардан фойдаланувчи ташкилотлар ўзларини шаҳидлик қиёфасида намоён қиласидар ва ўз-ўзини бахшида этишни янада кучли душманга қарши сўнги чора сифатида даъво қилиб кўрсатадилар. Баъзи тадқиқотчилар бундай аёлларнинг шахс хусусиятларидағи баъзи бир умумий тенденцияларни аниқлаш мумкин деб ҳисоблайдилар, бошқалари бундай умумий профил мавжуд эмас деб таъкидлайдилар.

Ўз жонига қасд қилувчи аёл террорчиларнинг социал портретини тузиш жуда мураккаб. У кўплаб сиёсий ва ижтимоий, маданий ва диний омиллар таъсири остида шаклланади ва шунинг учун дунёнинг турли минтақаларида турлича тафовутланади. Бизнингча, умумий портрет мавжуд эмас, чунки бундай портретни яратиш турлича зиддиятли фикрларни юзага келтириб чиқаради. Ўз навбатида фақатгина биргина ўринда умумий келишув мавжуд, бу эса, ўз жонига қасд қилувчи аёл террорчиларни асосан ёшлар ташкил қиласидар. Бундай террористларнинг ўртача ёши 18-40 ёшлар атрофини ташкил этади. Мутахассислар ўз жонига қасд қилувчиларнинг ёшларидаги бўй кўрсаткични турли ёш тоифаларида хукм суроётган кайфият билан изоҳлашади. Шуниси аҳамиятлики, сиёсий зўравонликка нисбатан ижобий муносабат 17 ёшгacha бўлган 14,5% ёшлар орасида устунлик қиласидар. Бу факт эса фикримизнинг яққол далили сифатида қўлланилиши мумкин. Кейинги гурухларда ушбу фоиз- 24 ёшгacha 14,9 % ни ташкил қиласидар, кейин эса пасайишни бошлайди ва 64 ёшдаги одамларда 6 % ни ташкил этади. Яна шуниси ажабланарлики, бу турдаги аёлларнинг келиб чиқувчи ижтимоий муҳитлари ҳам турличадир. Улар орасида ишсиз ва муваффақиятли мутахассислар, камбағал ёки бойлар, талаба қизлар ва аксинча саводсиз аёллар ҳам бор. Лекин уларни боғлаб турувчи асосий бир меъзон кўпинча бу каби аёллар турмуш қурмаган ёки кўпчиликларининг оила аъзолари ва яқинлари вафот этган ёки бедарак йўқолган шу сабабли тақдирнинг оғир кунларини бошдан кечирган аёллардир. Бундай аёллар учун ўз жонига қасд қилиш йўлини танлаш шахсий ҳаётларидаги турли фожиали ҳодисалар таъсири остида ёки онгли равища мафкуравий эътиқод туфайли амалга оширилади. Террорист-худкушларни ёллаш учун кўпгина усууллар мавжуд. Улар орасида-жангариларга қизларни “сотиш”, уларни гиёҳванд моддалар билан “тўйинтириш”, зўрлаш, шантаж ва “тозалаш” топшириғини бажаришга рози бўлиш каби усууллар мавжуд.

Хулоса қилиб айтиш мумкини шахсда фанатизм, Э. Фромм айтганидек, “биологик ғайритабий ва филогенетик жиҳатдан дастурланмаган заарарли “тажковуз” сифатида пайдо бўлади ”. Э. Фромм ўзининг “инсон деструктивлиги

анатомияси” номли асарида шундай деб ёзади: “Бу китобда ўз ўзини ҳимоя қилиш борасидаги хулқقا, таҳдидларга нисбатан инсоннинг реакциясини ифодалашда “тажовуз” сўзини қўллайман ва бундай турдаги тажовузни ижобий дея сифатлайман. Аммо, инсоннинг бошқа тирик жонзот устидан мутлақ ҳукмронликка бўлган иштиёқи ва йўқ қилиш истагини (зарарли тажовуз) мен алоҳида гурухга ажратиб “деструктивлик” ва “шавқатсизлик” сўзлари билан атайман” дея таъкидлай.

**Фойдаланилган адабиётлар рўйхати**

1. Glock C. On the Study of Religious Commitment//Religious Education, Research Supplement, 1962, № 42
2. Иванова Е. В. Она в присутствии любви и смерти. Екатеринбург, 2007. 168 с
3. Вехи: Сборник: статей о русской интеллигенции. 4-е изд. Москва, 1909. – С. 170.
4. Юнг К. Человек и его символы. [Электронный ресурс] URL: [http://www.psyoffice.ru/2116-8-psichology-book\\_o072\\_2.html](http://www.psyoffice.ru/2116-8-psichology-book_o072_2.html) (дата обращения 29.01.16.).
5. Иванова Е. В. Религиозная мифология. Учебное пособие. Екатеринбург, 2011. 187 с.